

Broj: 3084/24

Dana: 18.12.2024. godine

Na osnovu člana 100. Zakona o javnim nabavkama Bosne i Hercegovine („Službeni glasnik BiH“, br. 39/14,59/22,50/24), rješavajući Žalbu na Odluku o izboru najpovoljnijeg ponuđača broj 2979/24 od 03.12.2024. godine, podnesenu od strane ponuđača „Berlina“ d.o.o. Bihać, direktor ZU Dom zdravlja Velika Kladuša donosi

ODLUKU

o usvajanju žalbe i stavljanju van snage Odluke o izboru najpovoljnijeg ponuđača broj 2979/24 od 03.12.2024. godine

1. **Usvaja** se Žalba ponuđača „Berlina“ d.o.o. Bihać na Odluku o izboru najpovoljnijeg ponuđača broj 2979/24 od 03.12.2024. godine u otvorenom postupku javne nabvke sanitetskog vozila, koji je objavljen na portalu javnih nabavki dana 31.10.2024. godine, broj Obavještenja o nabavci 957-1-1-148-3-58/24, i u „Službenom listu BiH“, kao osnovana.

2. Stavlja se van snage Odluka o izboru najpovoljnijeg ponuđača broj 2979/24 od 03.12.2024. godine, kojom se ugovor za javnu nabavku sanitetskog vozila dodjeljuje ponuđaču M.R.M. export-import d.o.o. Ljubuški, a koja će se zamijeniti novom Odlukom o rezultatu postupka nabavke nakon ponovo izvršenog postupka pregleda i ocjene ponuda i donošenje preporuke Komisije za javne nabavke za dodjelu ugovora u skladu sa ovom Odlukom i ZJN BiH.

3. Ova Odluka stupa na snagu danom donošenja, a ista će se u zakonskom roku dostaviti ponuđačima koji su učestvovali u ovom postupku javne nabave i objavit će se na web stranici ugovornog organa www.domzdravlja-vk.ba.

Obrazloženje

ZU Dom zdravlja Velika Kladuša pokrenula je otvoreni postupak javne nabavke sanitetskog vozila, broj Obavještenja o nabavci 957-1-1-148-3-58/24, poslano na objavu na Portal javnih nabavki dana 31.10.2024. godine.

U predmetnom postupku javne nabavke donesena je Odluka o izboru najpovoljnijeg ponuđača broj 2979/24 od 03.12.2024. godine, na koju je ponuđač „Berlina“ d.o.o. Velika Kladuša izjavio žalbu koja je zaprimljena kod ugovornog organa dana 13.12.2024. godine.

Ugovorni organ je utvrdio da je žalba blagovremena, dopuštena, uredna i izjavljena od strane ovlaštenog lica koje ima aktivnu legitimaciju, zbog čega je moguće dalje postupati po istoj.

Ugovorni organ je na osnovu člana 110. ZJN BiH, putem portala javnih nabavki obavijestio sve učesnike u postupku javne nabavki o izjavljenoj žalbi.

Žalitelj navodi u žalbi da je dobio dopis broj 2982/24 od 03.12.2024. godine kojim je obaviješten od stane ugovornog organa da je u postupku javne nabavke donesena Odluka o izboru najpovoljnijeg ponuđača koja je dostavljena u prilogu dopisa, kao i Zapisnik o pregledu i ocjeni ponuda broj 2977/2024 od 03.12.2024. godine, u kojem je navedeno da Berlina d.o.o. ne ispunjava sve zahtjeve u pogledu opisa nabavke, te da ponuđač Berlina d.o.o. nije dostavio katalog medicinske opreme u sanitetskom vozilu, da je u tenderskoj dokumentaciji tražen katalog- tehničke karakteristike vozila, da je potrebno dostaviti i katalog medicinske opreme s obzirom da se radi o medicinskim aparatima koji su ponuđeni u sanitetskom vozilu.

Dalje žalitelj navodi da je ugovorni organ u tenderskoj dokumentaciji broj 1594/2024, u tački 4. Tenderske dokumentacije u dijelu „Ponuda treba da sadrži sljedeće elemente“, pod tačkom i) piše „Dostaviti katalog-tehničke karakteristike vozila“, da je Berlina d.o.o. dostavila katalog sa tehničkim karakteristikama vozila, da nigdje u TD nije traženo dostavljanje kataloga medicinske opreme, da se u TD traži katalog tehničkih karakteristika vozila, a ugovorni organ ponudu žalitelja odbija zbog nedostavljanja kataloga medicinske opreme, da ugovorni organ smatra ponudu neprihvatljivom jer ponuđač Berlina d.o.o. nije dostavio nešto što nije ni traženo, niti je navedeno kao element koji ponuda mora sadržavati. Žalitelj napominje da kad je u pitanju sama „Medicinska oprema“, ona se jedino spominje u Aneksu 2. Obrazac za cijenu ponude koja je ujedno i specifikacija predmeta nabavke, tačka tačka 9. do tačke 12 aneksa 2, gdje su pobrojane i vidljive sve komponente medicinske opreme koja je tražena od ugovornog organa, da je ponuđač Berlina d.o.o. u tom Aneksu 2 i potvrdila da će vozilo isporučiti s tom specifikacijom medicinske opreme, da se žalba ulaže jer je ugovorni organ ponudu ponuđača Berlina d.o.o. odbio i proglasio neprihvatljivom, uzimajući kao razlog nepostojanje dokumentacije koja TD nije ni tražena. Na kraju žalitelj traži da se žalba prihvati kao valjanja i ponuda Berlina d.o.o. prihvati kao valjana i da shodno tome ugovorni organ promijeni odluku o izboru najpovoljnijeg dobavljača broj 2979/24 od 03.12.2024. godine.

Nakon razmatranja predmetne žalbe, Ugovorni organ je utvrdio da je ista osnovana iz sljedećih razloga:

U cilju provjeravanja navoda žalitelja da je ponuda ponuđača „Berlina“ d.o.o. ocijenjena kao neprihvatljiva iz razloga što isti nije dostavio katalog medicinske opreme, a sam ugovorni organ u TD nije tražio da se dostavi katalog medicinske opreme, nego je tražen samo katalog-tehničke karakteristike vozila, izvršen je uvid u cjelokupnu TD u kojoj je u dijelu gdje su navedeni elementi koje ponuda treba sadržavati, pod tačkom i) od ponuđača traženo da dostave katalog -tehničke karakteristike vozila, dok nigdje u TD nije tražen i katalog medicinske opreme. U Obrascu za cijenu ponude (Specifikacija predmeta nabavke) -Aneks 2 dat je i tehnički opis medicinske opreme. Izvršen je uvid u ponudu ponuđača „Berlina“ d.o.o. Bihać koji je u ponudi dostavio traženi katalog medicinskog vozila, a u Obrascu za cijenu ponude-Aneks 2, u koloni 4 tabele ponuđač je potvrdio da njegova ponuda sadrži sve obavezne elemente kada je u pitanju tehnički opis predmeta nabavke (Karakteristike vozila i medicinske opreme).

Uzimajući u obzir da u TD nije traženo od ponuđača da dostave i katalog medicinske opreme, te da je ponuđač „Berlina“ d.o.o. Bihać dostavio svu dokumentaciju koja je tražena TD, nije bilo razloga za odbacivanje ponude ponuđača „Berlina“ d.o.o. Bihać kao neprihvatljive, zbog čega je i odlučeno kao u dispozitivu ove odluke.

Obzirom da je predmetna žalba usvojena kao osnovana, ugovorni organ će u skladu sa članom 108. stav 7. ZJN BiH, u roku od 7 dana od dana donošenja ove Odluke po žalbi dostaviti KRŽ-u dokumentaciju radi pokretanja povrata naknade za pokretanje žalbenog postupka.

Pouka o pravnom lijeku: Protiv ove Odluke može se izjaviti žalba Uredu za razmatranje žalbi (URŽ), putem ugovornog organa u roku od deset (10) dana od dana prijema Odluke.

Dostaviti:

1. Svim učesnicima u postupku javne nabavke,
2. a/a.


Direktor
Prim. dr Evresa Okanović